



### **Damondas da baghegiar**

Nr. 18/2023

Datum da publicaziun: 10-02-2023

Patrun: Societad da baghegiar Curmeias, 7165 Breil

Liug e parcella: Surrein-Reits; 6572

Object: construcziun d'in mir da schurmetg

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Dils plans sa vegnir priu investa sin canzlia communal duront las uras da spurtegl.

### **Annunzias da baghegiar**

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

#### **Nr. 02/2023**

Kühne Peter ed Ursula, 8634 Hombrechtikon; lavur da manteniment vid il plaz e mir avon il baghetg nr. 586D sin parcella nr. 6785 a Surrein-Aclas.

#### **Nr. 03/2023**

Cadruvi Mathias, 7166 Trun; sanaziun dil tetg dil baghetg nr. 627 sin parcella nr. 4308 a Surrein-Runé.

#### **Nr. 04/2023**

Deplazes Leci e Manuela, 7173 Surrein; construcziun d'in tetg temporar per la terrassa dil baghetg nr. 341 sin parcella nr. 1249 a Surrein-Plazzas.

#### **Nr. 07/2023**

Lutz Stefan e Daniela, 7176 Cumpadials; nova cuvrida dil plaz avon il baghetg nr. 261 sin parcellas nr. 2543 e 2557 a Cumpadials-Laus.

Sumvitg, 10-02-2023

*Cumissiun da baghegiar*

### **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 10-02-2023

*Departament traffic*

## Informaziun pertuccont grippa d'utschals

Igl uffeci federal da segirezia alimentara e fatgs veterinars ha decidiu da prolungir per l'entira Svirza in perimeter da controlla entochen **silmeins ils 15 da mars 2023**. Per impedir la derasaziun dalla grippa d'utschals eis ei impurtont d'impedir il contact digl gaglinom da casa cun utschals. Possessuras e possessurs da gaglinom ston perquei risguardar il suandont:

- Il plaz da semover ordado per gaglinom da casa ei da restrenscher sin plaz serrai, ni da procurar ch'il plaz da pavlar ordado ei buc accessibels per utschals selvadis.
- Gaglinas ein da tener dapersei dad aucas ed utschals.
- Possessuras e possessurs d'animals che san buca tener en quellas prescripziuns, ston tener il gaglinom en in nuegl serrau.

Ulteriuras informaziuns ein disponiblas sin la pagina d'internet [www.sumvitg.ch](http://www.sumvitg.ch).

Nus supplichein da risguardar quels scamonds ed engraziein per Vies sustegn per dar damogn alla grippa d'utschals.

Sumvitg, 10-02-2023

*Suprastonza communal*

## Inoltraziun declaronza da taglia 2022

Tuttas persunas naturalas cun dimora fiscala en vischnaunca ni schischom ein obligadas d'inoltrar ina declaronza da taglia.

### Termins per inoltrar la declaronza da taglia

Ils suandonts termins ein da risguardar per inoltrar la declaronza da taglia:

- **31 da mars 2023** per persunas cun activitad da gudogn dependenta, scolars, students, pensiunai, disoccupai.
- **30 da settember 2023** per persunas cun activitad da gudogn independent, societads semplas e persunas domiciliadas ordeifer il cantun cun interpresas el Grischun.
- **30 da settember 2023** per persunas domiciliadas ordeifer il cantun cun immobilias en vischnaunca (obligaziun limitada da pagar taglia).

### Impurtont

Las declaraziuns da taglia 2022 ein d'inoltrar sco suonda:

Administraziun da taglia dil cantun Grischun  
Verarbeitungszentrum 1/KO  
Steinbruchstrasse 18, 7001 Cuera

Damondas da prolungaziun dil termin d'inoltrar la declaraziun da taglia ein d'inoltrar sco suonda:

- online: [www.stv.gr.ch](http://www.stv.gr.ch) (Fristenerstreckung)
- Las damondas da prolungaziun ein d'inoltrar cun las suandontas indicaziuns: numera da register cumpletta (inclus numera da vischnaunca 673- per Sumvitg e 696- per Trun), num, prenum e vischnaunca da domicil.
- Ils termins concedi vegnan buca confirmai ed ein en general buca prolungabels. En cass singuls e motivai sa in ulteriur termin excepziunalmein vegnir dumandaus.

L'allianza da taglia Trun-Sumvitg supplichescha da prender enconuschientscha da quellas midadas.

### **Ulteriuras informaziuns**

Persunas che han buca retschert la declaronza da taglia ston tuttina ademplir lur obligaziun ed inoltrar la declaronza da taglia enteifer il termin sura menziunau (art. 127 LT). Tgi che ha buca survegniu ils formulars sa pretender quels tier l'allianza da taglia Trun-Sumvitg (081 920 25 01).

Conjugals che vivan giuridicamein ed effectivamein en ina lètg nunseparada ein suttamess comunablamein alla taglia. Las entradas e la facultad vegnan summadas senza risguardar il stadi dils beins.

Davart ulteriuras damondas stat l'allianza da taglia Trun-Sumvitg a disposiziun.

Sumvitg, 10-02-2023

*Allianza da taglia Trun-Sumvitg*

### **Uniun da dunnas Vinavon**

**Märchen zum Valentinstag mit Kaffee und Kuchen 14.2.2023** von 14.00–16.00 Uhr im Märchencafe, Via Sursilvana 24, 7175 Sumvitg. Cordialmein envidan *Elisabeth Duff ed uniun da dunnas Vinavon*

### **Uniun da dunnas Trun/Zignau**

#### **Mardis Tscheiver**

**Mardis, ils 21 da fevrer 2023** naven dallas 13.00 fagein nus nies usitau tscheiver culs affons ell'aula dalla scola a Trun. Era uonn saveis vus schar gustar in bien toc petta ed enzatgei da beiber ed ei vegn a dar ina ni l'autra surprisa. Naturalmein astga il pign concert dalla musica da tscheiver «Las Lieurs» buca muncar. Vegni pia e stei da cumpignia cun nus! Cordialmein envida *Uniun da dunnas Trun/Zignau*

### **Uniun Samaritana Sumvitg-Trun**

Nies exercezi ha liug **gliendisdis, ils 13 da fevrer** a Trun ella stanza samaritana dalla casa communal. Nus selegrein sin biars/as participonts/as. Tut tgi che ha interess d'emprender d'enconuscher noss'uniun ei era cordialmein envidaus/ada.

### **Apparat d'udida**

**Gliendisdis, ils 20 da fevrer 2023** saveis Vus schar schubergiar e rugalar Vies aparat d'udida:

9.15-10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents. Ei drova negina annunzia.